

李志舊序

內黃畿輔壯縣也間者形方氏議其瓜離割歸豫省夫國有遷徙史法當書內黃之輯邑乘善矣不觀兩漢書例乎前漢書儒林傳序曰漢興田何以齊田徙杜陵顏師古注云初徙時未爲杜陵也後漢書劉祐傳曰祐中山安國人安國後別屬博陵由斯以推傳厘一人耳史必謹記遷徙翔實況一邑之大別其府別其省者耶內黃之輯邑乘善矣且志宜三十年一舉今攷內黃志始於前明嘉靖修於萬曆入我

朝文物聲明宜有國本乃唯康熙十八年踵事數條亦補苴

內黃縣志

卷 舊序

一

罅漏爾今乾隆己未邑令李君銳志復古分部按班具有經緯大民細民拭背具瞻草稿既定請序於余噫詎知固余素志哉余家博陵旣與內黃擊櫨枌榆茲撫中州又值內黃測圭封守睠焉北顧具有良緣抑亦心躉內黃之隸豫也夫外黃係今杞縣則內黃應歸彰德春秋吳子晉侯會於黃池應劭以爲內黃臣瓚以爲外黃論雖不定固宜均轄豫州耳且隋開皇十六年以內黃撥附相州則今日之役要亦事從其朔何翔舉之有是志也不特攸陸鄴鄴中之記且以補宋敏求河南志之闕矣因次其顛末如此乾隆四年秋七月巡撫河南等處地方提督軍務兼理河

道博陵尹會一題

李序

邑之有志也以志一邑之土地一邑之人民一邑之政事也邑無志則其地其人其事皆散佚莫攷矣志久不修則地有變遷人有後起事有更制必缺而不補斷而不續矣况夫代隔勝朝境移直省歲閱百數十年之久錯簡殘編斷行缺字如黃志者乎修之何可不亟也攷黃志初始於明嘉靖時邑前輩周公萬金續成於澶淵王尙書崇慶至萬厯庚子邑令項城王公廷諫重修鋟板董吏部復亨搦管焉今之舊本是也雖

內黃縣志

卷舊序

二

國初屢有續增未經改刻其中欸製舛雜匪特別風淮雨字畫之譌而已而自康熙十八年以後更無復有編入之條苟及今不爲徵採歲月逾久將父老之傳聞學士之記載其荒落有不勝言矣况我

朝初仍明制邑隸大名自雍正三年以衛河爲糟糧所經改隸彰德便於策應此尤沿革之大者而因循仍舊不亟爲釐定可乎歲在丙午從兄保亭公來宰是邑議續修不果越今十稔滇復蒞任於茲乃謀之紳士委以博徵旁採而或存或削復就鴻筆而商確焉蓋規撫雖從舊本而因革損益不無變通以求其當要使一邑之中其地其人其事

序次明順詳略得宜不致有缺而不補斷而不續之憾而  
國家經制之善教養之隆官師之績以及邑人士女忠廉節  
孝之行前後輝映可以表微可以勸俗者開卷之下罔弗  
瞭然既呈上憲命以開雕加之讐校蓋自是而黃志之成  
庶以備石室之藏供輶軒之採其亦一邑之信史矣刻成  
因敘重修之顛末而志其不可緩者弁於簡端時  
乾隆四年己未七月知內黃縣事關中李溎撰

重修內黃縣志采訪事實

竊惟郡邑有志所以載疆域之廣狹紀風土之肥磽考人材之盛衰第貢賦之輕重為統志省志之支派 國史之附庸而家乘之所會歸也內黃一邑向屬直隸大名雍正三年改屬彰德運道所經眾水交匯雖中州之邊幅實兩省之咽喉前明嘉靖年間邑令張鳳張古謀修縣志得邑人周萬金藁本隨創隨續疊經張文鳳張鵬王廷諫諸合之手始鋟以行後惟康熙十八年增輯數條迄乾隆四年前合李慎發憤一修而規模略備自是至今百五十年遂無復有添入之條最可異者府志一修於乾隆三十五年

內黃縣志

采訪

一

再修於乾隆五十二年中間內黃事實采擇頗多而其時邑之官紳竟無操鉛槧而紹李志者豈事必待人而舉人必待時而興哉何廢墜至於斯極也 慶恩承乏茲土適值

災亂之後經理諸務麤有端倪而邑志不修終覺惟心之疚今幸民和年豐邑人士協力同心踴躍趨事廼敦聘書錦書院院長江甯陳念劬先生秉筆主稿焉顧起例發凡事固歸諸賓友而周諮博訪責仍在於紳耆有如山川城

郭向有圖經 今當增分野書 田賦 停運改折章程以及他

諭旨恩詔 軍旅 嘉慶十八年滑縣李文成山東林清之變  
皆當謹載 地皆與縣境毗連又咸同年間髮逆捻匪  
節次肆擾均宜 求諸方策祠祀 乾隆四年以後 文廟中  
詳載戰守事實 有先賢先儒奉 旨入祀

者軍興以來有無忠義奉旨建祠崇建置之大一切營

祀者武廟何年升祀均宜詳載職官科貢之繁歷屆恩廣年分數目均宜詳查各有司存采掇猶易以上

當采諸當采諸惟是名宦鄉賢之須增文苑儒林之待補以及獨

官府者行者舊方技列女一節堪稱俱宜著錄又如隱逸僑居可

備人物金石傳誌可入藝文卽二氏之殊途亦片長之必

採以上當采凡茲稱引耳目難周是在表微君子慈孝後

賢苟有見聞幸卽錄送倘非誣罔悉付編摩於戲鳥名官

而龍命氏述祖者數典堪珍郡會稽而湖廣陵條對者多

聞見美前修不遠延埃良殷須至采訪者

一凡前人專書與詩文大集下及稗官說部有關內黃

內黃縣志 采訪 二

人物事實者 一內黃前哲無論漢學宋學經濟詞章

卓有論議者 一忠孝廉節至行過人或有名賢爲作

傳誌者 一技術方外如有撰箸須其書手跡現存者

一無論布衣農工如有一得過人而爲名德之儒賞

識可憑信者 一土著舊姓及科第名家文學世德有

譜牒可稽者 一敷陳地方利病切實可見之施行必

其人已故而其文議之眾著者 一如有嘉德懿行雖

屬鎖聞而可備懲勸者 一文人日記有載近年兵事

兼及內黃人物事蹟而其書已刻或手稿現存者 一

無論城鄉凡有碑版表誌其文可搨或略能辨識者

以上十款俱係采訪乾隆四年以後之事務祈在邑者  
卽送本局在外者由官封遞送本縣肯以其書假者給  
與收條三月後憑條取回決不污損幸毋吝教

光緒十六年二月

日知內黃縣事董慶恩謹議

內黃縣志

卷首

天文圖說

輿地諸圖

列聖詔旨

舊修姓氏

新修銜名

義例

目錄

謹按志例向有卷首茲依府志之式前繪分星附載

內黃縣志

卷首 目次

一

考證仰觀天文也次圖輿地而城廂衙署祠宇及邑中十二景圖以類相從俯察地理也次恭錄

詔旨紀

聖澤也次書舊修姓氏誌本始也次書新修銜名著成勞也次述義例次列目錄明乎損益因革不敢輕蹈剿襲亦不敢自作聰明也若是者戴高履厚無忘參贊化育之功舍舊圖新仍協始終條理之義疏陳崖略用冠全篇

內黃縣志卷首

圖目

天文分星圖

縣志全圖

城廂圖

衙署全圖

學宮全圖

城隍廟圖

關帝廟圖

書院圖

內黃縣志

卷首 圖目

倉庾圖

邑中十二景圖

附考證數條

府志云星纏室壁之分

帝王世紀黃帝分星次自危十七度至奎四度日豕

韋之次一名姬訾

爾雅姬訾之口室壁也

漢書地理志營室東壁衛之分野

唐書天文志營室東壁姬訾也

清類分野書云澶懷衛相皆衛分也

明一統志懷慶府衛輝府彰德府大名府俱室壁分野

應劭曰春秋吳子晉侯會於黃池今黃澤在西陳留有外黃故加內云臣瓚曰國語曰吳子會諸侯於黃池掘溝於齊魯之間今陳外黃有黃溝是也史記曰伐宋取黃池然則不得在魏郡明矣師古曰瓚說是也應說失之

見前漢書注

梁太祖幸河北至內黃顧李瑋曰何謂內黃瑋曰河南有外黃下黃故此名內黃太祖曰外黃下黃何在瑋曰秦有外黃都尉在今雍邱下黃爲北齊所廢在今

內黃縣志

卷首 圖目

二

陳留太祖平生不愛儒聞瑋語大喜

見五代史李瑋傳

內黃縣志卷首

恭錄

列聖詔旨

內黃縣志

卷首 詔旨

內黃縣志卷首

明志姓氏

知縣 張鳳 謀修

知縣 張古 創修未梓

邑庠 董弦 編輯

知縣 張鵬 改修

知縣 王廷諫 重修

教諭 黃希奭

訓導 趙承光

邑人 黃吉士

內黃縣志

卷首 舊志姓氏

一

邑人 周萬金 草創

知縣 孫良輔 編輯

知縣 張文鳳 再修未梓

開州 王崇慶

元城 董復亨 撰次

訓導 周鳳科

邑人 劉光祚

邑人 李一經

知縣 王萬選

邑舉 任光裕

邑舉 張中侯

大名 楊之大 采校

縣丞 劉雅 督梓

知縣 張為仁 續修

訓導 厲貞

邑人 司九苞

邑人 任之龍

邑舉 李滋 以上全閱

邑人 王萬邦

縣丞 孫愛之

邑舉 關世亨

邑舉 王三宅 以上全閱

邑庠 田時登

典史 管川 督梓

教諭 胡一鵬

邑人 楊問奇

邑人 司琨

候選 張亨吉

邑人 貢士 黃本昌

邑人 貢士 袁魁

邑人 副榜 司九皋

邑人 廩生 馬昌

邑人 廩生 樊之屏

邑人 廩生 張肯堂以上編輯

邑人 武舉 辛憲南采梓

邑人 廩生 白爾知繕書

縣丞 馮昱督梓

典史 宋肇麟督梓

李志姓氏

知縣 李湏纂修

縣丞 楊涓

教諭 董萬山

訓導 張本洙以上參訂

邑人 中書 黃之徵

邑人 知縣 張允端

侍衛 探花 楊炳

邑人 教諭 張大澗

丙黃縣志

卷首 舊志姓氏

二

邑人 舉人 張元貞

邑人 拔貢 黃爾昌以上全輯

邑人 貢生 黃爾庸

邑人 廩生 劉彥

邑人 廩生 張隆佑

邑人 廩生 王衍曾

邑人 廩生 王體仁以上徵採

典史 姚鳳岐督刊

監生 劉師曾

監生 張法良 廩生 李光庭

廩生 張基振

廩生 王廷元 廩生 段德純

廩生 柳克勤即王附生 克勤

廩生 黃守仁 附生 馬錦

附生 燕逢午

附生 安九苞 附生 張明義

附生 劉偉

廩生 劉振藻以上校正

內黃縣志卷首

義例

一志書多詳誌地理而略於天文茲依府志增補天垣圖說以備畫野分星之義不復別立門類亦不踵分野附入地理之失

一縣治全圖今用計里開方之法俾知山川險易道里遠近凡有期會調發皆可剋定期期於政事不無裨益其餘諸圖間有增改至邑中十二景圖則因仍李志留資點綴

一前史於朝廷詔令條教無不備載所以廣教化而昭

內黃縣志

卷首 義例

功德也茲照府志之例恭錄

列聖詔旨俾吾民知僻壤偏隅得遂其生全之樂者其來有自且宣布德意亦有司之職分也

一城廂衙署祠宇以及書院倉庾更歷多年不無營建又四鄉所築堡寨以禦寇盜悉闕建置之大現俱查明開載

一糟糧爲

天庾正供所有停兌改折章程及一切賦役有無更章均經詳細稽核分別新章舊制逐條開載

一文廟春秋祭祀樂章及兩廡位次自乾隆四年以

後歷有更訂增添茲俱謹遵今制詳細改載

一李志編年一門凡事之有關於黃者大書特書居然史體茲求之官府采之紀載取其事之大者接續編排而仿呂成公著書之例改爲事實記庶幾名實不紊

一嘉慶十八年滑縣李文成之亂咸同年間粵匪捻逆之亂一切城守戰攻事宜俱經詳考載入以誌事實一志例人無論賢奸忠佞皆當直書其名李志於順治元年書吳賊掠東庄集六年書潞安推官司九韶死姜逆之難二賊皆不書名非體也今查姜逆爲大同

內黃縣志

卷首 義例

二

叛鎮姜瓖而吳賊則不知何名闕以俟考

一李志宦蹟卽職官之傳也然名宦與循良要當有辨人物各自有傳然鄉賢與耆舊忠義孝弟與義行亦各有辨以其在祀典也今釐爲列傳三卷上卷名宦後附以循良中卷鄉賢後附以耆舊忠義孝悌後附以義行下卷傳文學隱逸方技流寓方外惟列女則另爲一傳以示區別

一古今人物分門別類繙閱爲勞又職官科貢例當有表而李志無之今各製爲一表以時代爲經以品目爲緯刪煩就簡之中仍寓論世知人之義觀者庶易

於翻檢

一樂尙書巴之忠懇傳殿直珏之剛方皆邑人中卓卓表見者道術善相一技之長祇應附在本傳之後若載入方技反未免輕量高賢

一李志列傳所載人物如侯莫陳悅侯莫陳崇旣不定爲邑人其品亦不甚純自當別有位置又王要漢初從李密繼從王世充卒乃斬主將以歸唐其人亦不無可議以與遵賢傳獻簡諸公並列殊多愧色茲查志中本有武勳一類而三人又皆始終兵間得致通顯歸入武勳最爲允當

內黃縣志

卷首 義例

三

一岳忠武籍隸湯陰舊志因史有河決內黃母氏姚抱坐甕中衝濤及岸之語遂載入流寓殊涉附會然忠武英風浩氣無往不在黃爲鄰邑固當致其敬恭未便刪削

一舊志有奸雄傳傳曹丕冉閔二人又以王伯當爲忠義之冠李志譏之是已然因其無類可歸而以其事實載於雜記亦似未當今以閔之事實附於其父石

瞻傳後

瞻本姓冉

伯當事實附於其兄王要漢傳後

二傳人物

表中

武勳至曹丕事實則早經刪削惟受禪臺留載古蹟

一李志修於乾隆四年距今百五十年中間府志一修

於乾隆三十五年再修於乾隆五十二年所采邑中事實頗多今俱分類載入惟自五十二年以後故老之傳聞既無所藉學士之著述復無可因非但民間之奇節堅操芳徽懿行湮沒者多卽職官科貢求之官府文書亦未能一一貫串前次失於因循茲更失之譎陋缺略之譏知所不免拾遺補缺謹俟後賢一志例凡邑人之主纂者自應製序餘皆襄事而已李志所載舊序極多留其語有發明者以證源流且以備一邑人文

一金石藝文相爲表裏舊志向無金石頗欲搜剔一二

內黃縣志

卷首

義例

四

以爲好古之助而劫火頻遭長隄屢潰躍鮮蕤賓之鐵轟如薦福之碑蔓草荒烟唏噓憑弔然後知王開州董元城非讓美也實無從藉手也讀黃志者請卽以藝文一編爲嘗鼎一臠適且快意而已

李志舊例九條

一編年內自康熙二十七年以後俱續增前代若漢遣欒巴狗行州郡徵申屠蟠爲博士不至唐張公謹以功授左武侯將軍內黃尉崔宣道爲衛佐宋封遽伯玉爲內黃侯傅伯成以寶謨閣直學士致仕又自明以逮

國朝修建學宮城垣與王三宅司五教司九韶殉節事皆宜大書特書舊志所遺今俱補入

一張公謹唐書本傳載其子大素大安及大安子悝皆有著述志不宜遺今載文苑王要漢爲王伯當兄歸唐封爵事見史鑑今補入人物

一舊志宋師頡載人文苑按宋史本傳稱其歷職以簡靜爲治爲人曠達夷雅縉紳慕其操尙不專以文學著也今改入人物列傳

一宋傅忠簡伯成爲忠肅之孫忠肅爲黃人忠簡可遺於黃志乎今據宋史補入人物列傳

內黃縣志

卷首 義例

五

一黃邑於唐初分置臨河後廢入滑縣臨河人物如孝行華秋李文綱陳爰例宜入滑志不宜入黃志矣因舊志編載又近建忠義孝弟祠以華秋入祀未便改刪陳爰仍併見選舉志

一舊志於選舉內恩典之後列義民一條載馬鐸鄭寬諸人非志例也今於人物孝行後增義行一條以舊志義民依次編載而後之樂善好施者并續入焉

一藝文書奏出自邑人雖不專邑事要其生平建白之大者皆載之漢高彪邑令也遺馬融書及長樂觀箴本不應載晉王瑯薦范喬書喬非邑人舊亦誤編今